

張大司馬奏稿

第五冊

張大司馬奏稿卷五

目錄

通城土匪滋擾見飭臬司帶兵剿捕摺

覆陳編籜安砲難於舉辦牒

查辦提督博勒恭武叅將阿克東阿下落牒

越南貢使改道荊州襄陽進京牒

通城首逆就獲調兵剿辦嘉魚崇陽土匪摺

拏獲金鼓運會首要各犯牒

查明湖北失事文武各員摺

失守府州縣各員請敕部分別議罪牒

委署道將各缺紓留丁憂人員差委牒

查鈔已章兩江總督陸建瀛原籍產業
通崇土匪略定委負接辦摺

通城土匪滋擾見飭臬司帶兵勦捕摺

咸豐三年三月初一日會

湖北巡撫崇綸銜

奏為通城縣土匪滋擾見飭臬司帶兵勦捕并查明因何起釁緣由恭摺具奏仰祈

聖鑒事竊武昌府屬崇陽通山通城等縣壤接湖南岳州府江西義甯州山谷幽深民情獷悍自道光二十一年崇陽鍾人傑等因抗糧滋事釀成戕官踞城巨案雖旋經平定而三縣地處常藉兵災免徵名目煽聚愚民動思挾制官吏咸豐元年通城卽有抗糧滋事之案前任督臣程番采委員帶兵勦捕僅殺王尚志一人結案首惡未及嚴懲刁徒益無畏忌上年

粵逆竄擾湖北各州縣均以軍書旁午未暇開徵今年正月收復武漢兩城壘經催飭未被蹂躪各州縣照舊徵收上年下忙旋據署通城縣知縣林之華上省面陳該縣徵漕棘手情形臣等當經面諭令其與公正紳耆妥商辦理務令奸民無所藉口而

國賦不致久懸飭其迅速回縣經理去後忽於二十

六日接據署崇陽縣

知縣韓印

海馳稟本月二十三夜通

城西北鄉上三里地方有土匪突起糾聚多人直入

該縣丞焚燒縣汛衙署聲稱為王尚志報仇搜殺糧

書數人搶劫典當該縣家屬經地方紳民救護出城

賊匪見在糾眾搶掠

臣

等查該匪等胆敢抗糧糾眾

燒燬衙署肆行劫殺寔屬目無法紀該縣及毗連之
崇陽通山二縣曾因漕糧釀成巨案山谷愚民罔知
大義誠恐互相煽聚致滋事端又該縣南界湖南臨
湘上年逆犯王禹里尚未就獲餘匪游痞難保無乘
機嘯聚復肆披猖當飭委臬司江忠源挑選兵勇自
省起程馳赴該縣相機勦辦并飭確查起釁根由如
寔係官吏丁差浮收勒折以致激成事端卽并將該
官吏從嚴參辦其倡亂奸徒務令按名弋獲斷不可
稍從姑息期於民情翕服永杜亂萌至該署縣林之
華雖因徵漕棘手進省請示與平常無故進省者有
間然因此人心浮動之時遠赴省城請示辦理殊屬

不知緩急應并請


旨先行交部議處所有土匪滋事集司帶兵出省勦捕緣由理合由驛具奏伏乞
皇上聖鑒訓示施行謹 奏

硃批另有旨欽此

咸豐三年三月初九日内閣奉

上諭張亮基等奏土匪滋擾見在勦辦一摺湖北通城縣西北鄉土匪因抗糧糾眾肆行搶劫該署督等見旅集司江忠源帶領兵勇馳赴該縣勦辦江忠源昨已有旨令馳赴向榮軍營幫辦軍務見在通城土匪儘勦辦需時著該署督等另派大員接辦仍令江

忠源卽赴何榮軍營毋稍遲延至該縣匪徒抗糧滋
事寔屬目無法紀署卽按名拏獲嚴行懲辦並查明
起衅根由如係官吏苛勒激成事端一體嚴參懲治
署通城縣知縣林之華輒因微漕進省請示辦理殊
屬不知緩急署先行交部議處欽此



覆陳編簿安砲難於舉辦片

日咸豐三年三月初一日
會湖北巡撫崇綸

再臣等承准軍機大臣字寄咸豐三年二月初六日奉

上諭禮部尚書奕湘奏湖北江西徧山產木可隨時
砍伐編造木簿上安砲位以一半防守大江上游各
港口堵截逆匪回路一半順流直下冲擊逆匪與水
路官兵聲勢應援等語逆匪搶掠船隻下竄我軍乏
船轉須顧覓見在賊船雖已東竄湖北江西水路各
要隘仍須預為布置不可因賊蹤已遠防範又疏著
張亮基路秉章張芾各派文武幹員酌量情形加意

防守旣可力扼上游亦可為下游應援慎忽稍涉大意致有疏虞欽此仰見我

皇上聖慮周詳無微弗喻

臣

等不勝欽服之至粵逆

東竄各路大兵會勦賊勢窮蹙必將分途竄越而回竄尤在意中尚書奕湘所奏編礮安礮一半衝擊下游一半防守大江原為籌畫江防戰守兼資起見賊用船而我用礮船之脆不敵礮之堅也賊逆流而我順流逆流之難不若順流之易也苟預先審明沙綫照准來路安設礮位俟賊船馳近次第施放自操勝算或值江流迅駛賊船積聚之處堆置油鼎等物放礮殺火尤可一炬無遺

臣

等未接奉

寄諭之先亦曾擬議及此顧為此有數難焉凡取水之處必距水次稍近運脚始輕湖北濱江一帶百數十里間并無深山茂林足供採取鄖陽施南宜昌三府雖尚有未闢老林然雖水次太遠巖澗阻深從無運出售賣之事民間所用水植均係湖南長州沅州永州寶慶各府水商每歲於夏秋水漲之時編簚運赴鸚鵡州一帶銷售上年粵逆攻臨漢陽所有水簚均被搶燬見雖趕緊招募水商亦須水漲之時始能沿江而下非可剋期立辦迭採買之難也下游一帶江面甚寬極狹之處亦五六里六七里不等簚少則控制難周簚多則需費甚鉅且簚上須安設大砲武

漢黃三府防城砲位均被賊匪掠去正在飛咨湖南
設局鑄造今又添製大砲鑄造需時且彈砲兩項所
費不貲當此經費無出之時於何取給此經費之難
也有彈與砲尤須有可恃之將士然後彈與砲足以
制賊而不為賊所用上年粵逆初攻長沙時敵家冲
一帶原設有木彈駐有鄉勇賊未到而鄉勇先散木
彈徒以資敵是其前鑒且江中既設有巨彈岸上須
安兵結營互為犄角以防賊匪由陸襲擊之路前此
海上用兵我師只防水路吳夷每用陸兵先抄我砲
臺後路我兵敗績夷船始由水路繼進以致沿江沿
海各砲臺皆成虛設由於當時只知注意水路不思

陸路有警防水之兵亦勢孤而難久也今擬以一半
之彈防守大江一半順流直擊計非數千精兵不敷
調遣而岸上結營互為倚角亦非數千精兵不能查
湖北武漢黃三府見在殘潰之兵及出征疲乏之兵
二千有餘練勇不及一千各營汛兵丁因土匪出沒
不常未便多調其稍稱精壯者既挑赴大營見存之
兵率多疲輟不堪難期得力此調發之難也臣等悉
心商議竊以為編練安砲本制定良策而此時就湖
北一省大局言之寔有難於舉辦者物力兵力均非
昔時可比也查安徽下游有東梁西梁二山對江夾
峙江面尚不甚寬距金陵又近此處設防則安徽江

西湖北各省江面均可無慮遇便仍可相機協勦若
合三省全力扼之通力合作分辦其事而專責其成
兵力厚而物力稍豐視各省之節節設防徒滋勞費
而力單費絀終歸無補者以少為可恃但事屬三省
呼應不靈意見各別又人才難得求一謀勇兼資者
總司其事甚未易易儻水陸稍有疏虞則番薙一撤
堂與堪虞其悔將有不可追者臣等是以遲之又久
未敢自決因

聖慈垂詢及此又不敢不畢獻其愚臣崇綸於二月
二十七日到任彼此會議意見亦同謹將會商緣由
附片由驛覆奏伏乞

聖鑒訓示謹奏

硃批知道了欽此

